

Ўзбекистон Республикаси
Олий мажлиси қонунчилик палатаси
депутати Д.А.Ғаниевга

Бахтиёров Улуғбекдан
яшаш манзилим: Фарғона вилояти,
Қўштепа тумани, Эшонгузар ф.й.
Шижоаткор кўчаси 170-уй (91) 676-51-60

А Р И З А

Хурматли Дониёр Авазович, ҳақиқат ва адолат умидида Сизга муурожаат этаяпман.

Мен 2005 йил 31 октябрга қадар Фарғона шаҳар прокурори ўринбосари вазифасида ҳалол меҳнат қилганман.

Фарғона шаҳар газ идораси бошлиғи Б.Хошимовнинг ЎзР МХХ Фарғона вилоят бошқармасига ёзган аризасига асосан 31.10.2005 йилда менга нисбатан ЖКнинг 210м.3қ. «а» банди билан жиноят иши қўзғатилди. Фарғона вилоят судининг 30.01.2006 йилги ҳукми билан мен ЖКнинг 210м.3қ. «а,б» бандлари билан 10 йилга озодликдан маҳрум этилдим.

Апелляция судлов хайъатининг 03.03.2006 йилги ажримига асосан суд ҳукми ўзгаришсиз, апелляция шикоятни оқибатсиз қолдирилган.

4 йил жазони ўтаб, 29.09.2009 йилда озодликка чиқдим.

13 йилдан кейингина адолат қисман бўлсада қарор топди. Олий суднинг 12.06.2018 йилги ажрими билан Фарғона вилоят суди апелляция инстанциясининг 03.03.2006 йилги ажрими бекор қилиниб, жиноят иши янгитдан апелляция инстанциясида кўриш учун юборилди.

Фарғона вилоят суди апелляция инстанциясининг 25.08.2018 йилги ажрими билан 30.01.2006 йилги ҳукм ўзгартирилди ва мен 1-2-айблов эпизодлари бўйича қилмишимда жиноят таркиби бўлмаганлиги сабабли ЖПКнинг 83-моддаси 2-қисмига асосан оқландим. 3-айблов эпизоди ЖКнинг 210м.3қ. «а,б» бандларидан ЖКнинг 205м.1қ.га қайта квалификация қилиниб, 02.12.2005 йилги амнистияга асосан жазодан озод қилиндим.

Ушбу ажримдан норози бўлиб ёзган аризамга асосан жиноят иши 29.03.2019 йилда Олий суд судлов хайъатида назорат тартибида кўрилди, лекин ишдаги номақбул далилларга қонуний баҳо берилмади.

ЖПКнинг 496-моддаси 2-қисмида: *“Шикоят, протест қаноатлантирилмай қолдирилган тақдирда, уларда келтирилган важслар қандай сабабларга кўра асоссиз ёки аҳамиятсиз деб топилганлиги ажримда (қарорда) кўрсатилиши лозим”* деб белгиланган бўлсада, аризамдаги важлар қандай сабабларга кўра асоссиз ёки аҳамиятсиз деб топилганлиги кўрсатилмасдан аризамни қаноатлантирмай қолдириш ҳақида ажрим чиқарилди.

Суд ажримидан норози бўлиб Бош прокуратурага ёзган аризаларимда жиноят ишидаги далилларни номақбул эканлигига, қарама-қарши кўрсатмаларга, ишни турли эпизодларга асоссиз ажратилганлигига,

стенограммалар қалбаки тузилганлигига, шунинг учун далилий ашё бўлган аудио ёзув тергов даврида йўқ қилинганлигига эътибор қаратдим.

Шунга қарамасдан Бош прокуратура 12-бошқармаси собиқ бошлиқлари Б.Абдувалиев, Х.Х.Файзиевлардан, бошқарма бошлиғи ўринбосари Б.Самуковдан ҳамда Бош прокурор ўринбосари С.Б.Артиковадан бир хилда ёзилган *“Протест келтириш учун асослар топилмади”* - деган мазмундаги асослантирилмаган жавоб хатларини олдим.

02.10.2020 йилда Наманган вилоятида ўтказилган Олий суд раиси ўринбосари И.Муслимовни сайёр қабулида топширган аризам ва келтирган важларим асосида жиноят ишини Олий судга чақиртириб ўрганиш ва қонуний қарор қабул қилиниши маълум қилинди.

Аризам жиноят иши билан бирга Олий судда ўрганилиб, келтирган важларим асосли эканлиги жиноят иши ҳужжатларидан яққол кўриниб турган бўлсада, Олий суд судьяси Ш.Тожиевнинг имзоси билан *“Суд қарорларини ўзгартириш ёки бекор қилиш учун асослар мавжуд эмас”* деган мазмундаги мантиққа тўғри келмайдиган асоссиз жавоб хатини олдим.

Ўзбекистон телевидениесининг *“Одил судлов”* кўрсатувига ёзган аризам бўйича журналист текшируви ўтказилиб, 15.12.2020 йилда ушбу кўрсатув *“Ўзбекистон 1”* каналида эфирга берилди.

Адолат умидида асосли важларни кўрсатган ҳолда Олий судга ва Бош прокуратурага кўп маротаба мурожаат этаяпман. Лекин суд ва прокуратура ходимлари аризаларимда келтирилган важларга юзаки қараб, ЖПКнинг 496-моддаси 2-қисмида белгиланган қонун талабларига зид равишда, келтирилган важларим қандай сабабларга кўра асоссиз ёки аҳамиятсиз деб топилганини умуман кўрсатмасдан, асоссиз ва мантиққа тўғри келмайдиган жавоб хатлари орқали аризаларимни рад этиб келишмоқда.

2005 йилда менга нисбатан ноқонуний тергов ҳаракатларини ўтказиб, судда мени асослантирилган важларимни инобатга олмасдан *“порахўр”* деб далил исботсиз айбдор деб топишди ва 10 йилга озодликдан маҳрум этишди. 4 йил умрим қамоқхонада ўтди. 2018 йилга келиб порахўр эмаслигим исботланди. Хозирда ҳам менга қўйилган ЎЗР ЖК 205-моддаси асоссиздир.

Айбсиз эканлигимни аризаларимда кўрсатиб келмоқдаман. Лекин Олий суд раиси К.Ф.Комиловнинг шахсий қабулига кириб, иш ҳолатларини, ишдаги қонунбузилишлар, процессуал хатоларни, қўйилган айблов асоссиз эканлигини тушунтириб, исботлаб бериш имконияти бўлмаяпти.

Суд ҳуқуқ соҳасида олиб борилаётган оқилona сиёсат натижасида ҳуқуқлари поймол бўлиб адолатсизликка учраган кўплаб фуқароларнинг ҳуқуқлари тикланиб, адолат қарор топмоқда. Лекин менинг адолат изланишидаги ҳаракатларим бесамар бўлиб қолмоқда.

Қайд этилганларга асосланиб, менга нисбатан бўлган ишни қонуний ҳал қилинишида ва ҳақиқат қарор топишида ёрдам беришингизни илтимос қиламан.

Сизга ҳурмат билан
ноҳақ ва адолатсиз судланган:



У.Б.Бахтиёров

26.01.2021 й